

Kuwalisha Kondoo

Basi wakaenda ... mpaka upande wa mashariki wa bonde hilo, ili kuwatafutia kondoo zao malisho. Wakaona malisho ya unono, mazuri, na nchi yenyewe ilikuwa na nafasi, tena imetulia, na kuwa na Amani.—1 Mambo Nyakati 4:39, 40.

Neno la Mungu ni falsafa ya kweli na sayansi ya kweli. Maori ya wanadamu na mahubiri ya kulisimua yana mguso mdogo sana. Wale ambao wamejazwa na Neno la Mungu watalifundisha katika njia ile ile sahili ambayo Kristo alitumia. Mwalimu mkuu kabisa wa ulimwengu alitumia lugha sahili kabisa na mifano iliyo Dhahiri.

Bwana anawaita wachungaji Wake kuwalisha kondoo kwa malisho safi. Angewataka wauwasilishe ukweli katika usahili wake. Kazi hii inapofanywa kwa uaminifu, wengi watashawishiwa na kuongolewa kwa nguvu ya Roho Mtakatifu. Kuna uhitaji wa walimu wa Biblia watakaowaendea wale wasioongoka, ambao watawatafuta kondoo waliopotea, ambao wataifanya kazi binafsi, na watatoa mafundisho wazi na yasiyoyumba.

Kamwe usitoe maneno yenye mashaka. Mafundisho ya Yesu yalikuwa chanya daima katika asili yake. Kwa sauti ya uhakika beba ujumbe ulio thabiti. Muinua juu Mtu wa Kalvari juu na hata juu zaidi; kuna nguvu katika kumwinua Kristo aliyesulubishwa msalabani.

Ni fursa ya mwanafunzi kuwa mawazo dhahiri na sahihi ya ukweli wa Neno la Mungu, ili aweze kuwa tayari kuwasilishe ukweli huu kwa watu wengine. Anapaswa kuwa na kina na msingi katika imani. Wanafunzi wanapaswa kuongozwa kufikiria wao wenyewe, na kuongea kila neno kutoka kwenye moyo uliojaa upendo na huruma. Kaza katika akili zao ukweli muhimu wa Biblia. Hebu na waurudie ukweli huu katika lugha yao wenyewe, ili uweze kuwa na uhakika kwamba wameuelewa vizuri sana. Thibitisha kwamba kila pointi imekitwa akilini. Huu unaweza kuwa mchakato wa taratibu, lakini una thamani mara 10 zaidi kuliko kukimbilia mada muhimu kuliko kuzipatia mkazo sahihi. Haitoshi tu kwamba mwanafunzi anauamini ukweli kwa ajili yake mwenyewe. Lazima ahamasishwe kuelezea ukweli huu kwa uwazi kwa maneno yake mwenyewe, ili iweze kuwa dhahiri kwamba anaona maana ya masomo haya na kuyaweka katika vitendo....

Kamwe usisahau kwamba fundisho kuu kabisa kufundishwa na kujifunza ni fundisho la kushirikiana na Yesu katika kazi ya wokovu. Elimu inayopaswa kupatikana kwa kuyachunguza Maandiko ni maarifa ya kufanyia kazi mpango wa wokovu. Elimu ya namna hiyo itarejesha sura ya Mungu katika nafsi. Itatia nguvu na kuimarisha akili dhidi ya majaribu, na kumfanya mwanafunzi kufaa kuwa mtendakazi pamoja na Kristo katika utume Wake wa rehma kwa ulimwengu. Itamfanya kuwa mshirika wa familia ya mbinguni, na kumwandaa kushirikisha wengine urithi wa watakatifu katika nuru... Biblia inakuwa kitabu cha mafundisho kama Mungu alivyopanga iwe, ikitoa dhana wazi kwa wale wanaojitahidi kung'amua ukweli wake mkuu na wa utukufu.... Kisha kunakuwa na mafuriko ya nuru akilini (Counsels to Parents, Teachers, and Students, 433-437).